

सर्वासु दि॒नु वि॒राज॒ति स॒ ए॒व वि॒राज॒ति ॥५॥ य॒दे॒वैता॒ अस॒पत्ना॒ उप॒धाति॒ ।
 ए॒त॒द्वै प्र॒जाप॒तिमे॒तस्मिन्ना॒त्मनः॒ प्र॒ति॒हि॒ते सर्व॒तः पा॒प्मोपा॒यत॒त स॒ ए॒ता इ॒ष्टका॒
 अ॒प॒श्य॒दस॒पत्ना॒स्ता उ॒पा॒धत्त॒ ताभि॒स्तं पा॒प्मान॒मपा॒कृत॒ पा॒प्मा वै स॒पत्न॒स्तद्य॒देता॒-
 भिः पा॒प्मान॒ऽस॒पत्न॒मपा॒कृत॒ तस्मा॒देता॒ अस॒पत्नाः ॥६॥ तद्वा॒ऽए॒तत्क्रि॒यते । य॒दे॒-
 वा अ॒कुर्व॒न्निदं॒ न्विम॒ऽस॒ पा॒प्मा नो॒पय॒तते॒ यत्वे॒तत्करो॒ति य॒दे॒वा अ॒कुर्व॒न्स्तत्कर॒-
 वाणी॒त्यथो॒ य ए॒व पा॒प्मा यः स॒पत्न॒स्तमे॒ताभि॒रु॒प॒कृते॒ तद्य॒देता॒भिः पा॒प्मान॒ऽस॒-
 प॒त्न॒मपा॒कृते॒ तस्मा॒देता॒ अस॒पत्नाः॒ सर्व॒त उप॒धाति॒ सर्व॒त ए॒वैत॒त्पा॒प्मान॒ऽस॒पत्न॒-
 मपा॒कृते॒ प॒रार्ध॒ऽउ॒प॒धाति॒ सर्व॒स्मादे॒वैत॒दा॒त्मनः॒ पा॒प्मान॒ऽस॒पत्न॒मपा॒कृते ॥७॥ स॒
 पु॒र॒स्ताडु॒प॒धाति॒ । अ॒ग्ने ज्ञा॒तान्प्र॒णु॒दा नः॒ स॒प॒त्नानि॒ति य॒थैव॒ य॒जुस्त॒था ब॒न्धुर॒थ
 प॒श्चात्स॒हसा॒ ज्ञा॒तान्प्र॒णु॒दा नः॒ स॒प॒त्नानि॒ति य॒थैव॒ य॒जुस्त॒था ब॒न्धुः ॥८॥ सा॒ या
 पु॒र॒स्ताद॒ग्निः सा॒ । या॒ प॒श्चाद॒ग्निः सा॒ग्नि॒नैव॒ तत्पु॒र॒स्तात्पा॒प्मान॒मपा॒कृता॒ग्निना॒ प॒-
 श्चा॒त्तथै॒वैत॒द्य॒ज॒मानो॒ऽग्नि॒नैव॒ पु॒र॒स्तात्पा॒प्मान॒मपा॒कृते॒ऽग्नि॒ना प॒श्चात् ॥९॥ अ॒थ द॒-
 क्षि॒णतः॒ । षोड॒शी स्तो॒म ओ॒जो द्र॒विण॒मित्ये॒काद॒शाक्ष॒रा वै त्रि॒ष्टुप्त्रै॒ष्टुभ॒मन्तरि॒क्षं
 च॒तस्रो॒ दि॒श ए॒ष ए॒व व॒ज्रः प॒ञ्चद॒शस्त॒स्यासा॒वेवा॒दित्यः॒ षोड॒शी व॒ज्रस्य॒ भर्ता॒ स
 ए॒तेन॒ प॒ञ्चद॒शेन॒ व॒ज्रेणै॒तया॒ त्रि॒ष्टुभा॒ दक्षि॒णतः॒ पा॒प्मान॒मपा॒कृत॒ तथै॒वैत॒द्य॒ज॒मान
 ए॒तेन॒ प॒ञ्चद॒शेन॒ व॒ज्रेणै॒तया॒ त्रि॒ष्टुभा॒ दक्षि॒णतः॒ पा॒प्मान॒मपा॒कृते ॥१०॥ अ॒थोत्त॒र॒-
 तः । च॒तुश्च॒त्वारि॒ंश स्तो॒मो व॒र्चो द्र॒विण॒मिति॒ च॒तुश्च॒त्वारि॒ंशदक्ष॒रा वै त्रि॒ष्टुप्त्रै॒-
 ष्टुभो॒ व॒ज्रः स॒ ए॒तेन॒ च॒तुश्च॒त्वारि॒ंशेन॒ व॒ज्रेणै॒तया॒ त्रि॒ष्टुभो॒त्तर॒तः पा॒प्मान॒मपा॒कृत॒
 तथै॒वैत॒द्य॒ज॒मान॒ ए॒तेन॒ च॒तुश्च॒त्वारि॒ंशेन॒ व॒ज्रेणै॒तया॒ त्रि॒ष्टुभो॒त्तर॒तः पा॒प्मान॒मपा॒कृते
 ॥११॥ अ॒थ म॒ध्ये । अ॒ग्नेः पु॒रीष॒मसी॒ति ब्र॒ह्म वै च॒तुर्थी॒ चि॒तिर॒ग्निरु॒ वै ब्र॒ह्म त॒-
 स्या॒ ए॒तत्पु॒रीष॒मिव॒ यत्प॒ञ्चम्य॒प्सो ना॒मिति॒ तस्यो॒क्तो ब॒न्धुः ॥१२॥ तां प्रा॒चीं ति॒-
 र॒श्चीमु॒प॒धाति॒ । ए॒त॒द्वैत॒या प्र॒जाप॒तिः पा॒प्मनो॒ मूल॒मवृ॒श्चत्तथै॒वैन॒याय॒मेत॒त्पा॒प्मनो